

Gallica appellat, *Ambactos*, honoris quodam loco circum se habebant, eorumque opera in bellis utebantur. Fictilia porro in usu habebant, Diodoro teste, densa ac Floribus distincta. Coenabant sedendo omnes non in sedibus, sed in solo, super stratis Luporum aut Canum pellibus (in Toris apud Strabonem) ministrabant eis pueri juniores, ætate tenera. Iuxta eos ignes fiebant, iisque adposita visebantur Oïlæ, & Verua Carnibus plena, maxime suillis, tam recentibus quam salitis: sed & omnis generis Carnibus: plerumque vero Cibus erat cum Lacte, ut scribit Strabo. Audiamus hic Athenæum ex Posidonio, sic fere Latine sonantem: *Celta feno substrato Libationes propinant super ligneis mensis parum exstantibus. Panis & is paucus* (Panem hunc Fermento leviores eos facere, adnotat Plinius) *Cibus est. Caro multa elixa in aqua vel super prunis aut in Verubus assa: hanc Leonum modo ambabus manibus Artus integros tollunt, morsuque dilamant; & si quid agnus divellatur, exiguo id cultello praevidunt. Adponunt in Conviviis Pisces, qui Fluviiis adcolunt, Interiorisque & exterioris Maris litoribus: & eos cum sile, Aceto & Cymino* (quod etiam porioni injiciunt) *assos. Et paullo post: Locupletes vinum bibunt ex Italia petium vel Massiliensium regione, & id merum, interdum Aquæ paullulum affundentes. Hactenus ille. Sed & ex frugemadida Potum ad Ebrietatem fecisse, Plin. est auctor lib. xx. i. cap. ult. Ex Hordeo Potum, quem Zythum appellabant fecisse, & alium ex aqua, in qua favum Mellis laverint, Diodorus tradit. Quod ad Vestitum, Saga ferebant, notante Strab. eaque densa ex Lana texebant, Lanas vocantes. Hujusmodi Saga scribit Plin. lib. v. i. i. cap. xl. v. i. i. Scutulis dividere Gallos instituisse. Quæ Plin. Scutula, Diodoro sunt *ἀνδρία*. Per quæ nihil aliud illi intelligunt, Nobilissimo Viro Iosepho Scaligero notante; quam quas Galli hodie vocant *Lausangias*, quasi *Laurangias*, ab Lauri folio, quod habet Rhombi figuram. Braccis porro (quæ quod Gallorum essent, Tegmen barbarum Tacito) utebantur Galli circum *extentis* vel *laxis*. Loco Tunicarum apud Strabonem Vestem habent Galli Fissilem manicatam usque ad pudenda & nates demissam. Manet hodieque forma in isto Vestis genere, quod nobis vulgo *Pallatrock* vel contracte *Palt-rock*. Annulis dicit uti in digitis, nihil distinguens Diodorus; in medio tantum, Plin. natur. hist. lib. xxx. i. i. cap. i. Sed de his satis, ad specialiora Galliarum pergo.*

E c

*Britannia*